

貴州南籠府志卷之末

知府西蜀李其昌敬伯輯

附外志

祥異 寺觀

苗患 明末遺事

既志矣胡為乎外之也外之云者以事非天地  
人物之常正志之所遺也然既遺矣又胡為乎  
志之而且附之也志而附之以有其事便不遺  
其事也不遺其事而復外之非泛也凡以志儆  
云爾

南籠府志

附外志

一

祥異

順治十八年安籠所旱歲大饑

康熙二年安籠所大水○十一年夏五月安籠

所民鄧鳳鳴妻一產三男○六十年七月十

三日雷雨大作青龍現於南籠城西之飛鳳

山蜿蜒風雲中經東北入綠海由午至申天

復開霽

雍正六年七月初七日五色慶雲現於南籠城

之西南其年大有

苗患

明永樂元年檣鉢寨苗夷賴子據陵元堡叛  
調雲南曲靖普安大兵討平之設所建官兵  
戍安籠自此始

宏治十一年普安夷酋米魯叛廣西西隆長  
官司岑軾助師討平之割安籠所十八寨以  
賞厥功因屬廣西

南籠府志

附外志

二

萬曆四十三年城東二十里阿能寨夷目郎  
剛郎暴郎狼號曰三郎弟兄作叛殺掠居民  
射死西隆長官司岑峯佔踞十八寨 上巡  
撫張鳴鶴檄總兵許齊勦擒渠魁執馘獻俘  
瘞數十級于城北官道旁豎碑曰京觀以昭  
炯戒

崇禎十二年城西十五里硬溪孔四姓夷苗  
勾通雲南廣西府土獍冠安籠城幾陷千百

戶出奇兵前後攻戰退之

國朝康熙二年城北六十里登岵寨夷目阿仲以妖術惑眾結連籠屬各寨勾通廣西泗城西隆<sup>隆</sup>諸寨夷目據地稱號劫掠普平市殺男婦三百餘人直抵安籠城城中守禦兵<sup>微</sup>不能敵居民夏士奇奔報雲南廣羅鎮總兵王會雲親提鎮兵三晝夜至安籠勦殺諸夷擒其渠魁斬之苗患始平

南籠府志

附外志

三

寺觀

東嶽廟在府城內南大街

玉皇閣在府城東門外迎春嶺

玉泉寺在府城東門外大佛山

文昌閣在府城西門外金星山頂

馬王廟在府城西門外演武廳後

北極觀在府城外西北之山了嶺

魁星閣在府城北門外萬壽山隅

海潮寺在府城北門外魁星山後  
三元宮在府城北關內

萬壽宮在府城北關外萬壽山

壽佛寺在府城北關外萬壽山麓

觀音寺在府城北關外海雲山頂

興隆寺在府城東鄉坡疊山

### 明末遺事

國朝初肅王誅張獻忠於蜀其軍師孫可望率

南籠府志

附外志

四

衆奔黔據貴陽陷普安擅自兵雄明桂王由  
榔去廣西走貴州可望處之安籠所四年無  
人臣禮從臣吳貞毓張鐫周允吉楊忠徐極  
蔣乾昌李元開李頌朱議康鄭允元趙賡禹  
蔡續易士佳胡士瑞朱東旦任斗墟等憤甚  
與內侍張福祿全為國謀遣之滇南諭李定  
國共圖可望馬吉祥以事洩可望使鄭國王  
愛至安籠拷訊十八人同聲不屈遂被害時

人哀之收遺骸葬于城外之西山麓麓題其墓  
曰明十八先生成仁處自是桂王入於滇時  
順治五年至九年事也

南籠府志

附外志

五

